


雲南縣志



重修雲南縣志序

上古結繩而治無所為文字也自書契作而紀載夥上自國史下至一州一邑皆得各有著述以備紀其地之風土人情為徵文考獻之

雲南縣志

序

資意至深且遠也雲邑建自漢元狩元季因彩雲現於白崖遂立縣歷代相承遞有升降我

朝幅員廣袤聲教覃敷二百餘季來生斯土者類能食德服疇敦崇

古處翹然為諸邑冠洎咸豐丙辰
歲逆回倡亂蹂躪一十七寒暑而
後肅清邑志遂殘燬無存矣光緒
壬午夏晉捧檄承乏斯土慨然欲
復修不果適九年冬奉

制府岑公續修省志令遂集議兼
修縣志詢謀僉同迺延邑孝廉王
雨亭王名卿明經吳會廷暨各川
甸士紳分任纂輯採訪事而專司
筆削者則為廣文簡君少樵網羅

放失博訪諏諮由乾隆三十一年迄光緒十二年間凡地方因革損益與夫今昔人事之可傳者靡不博採兼收續為纂入間有體不符傳聞互異仍援善善從長意悉存

之以備參考甫脫稿值予調署太和不獲歲事回任後復取志稿質諸新會黃君笛樓詳加釐定而是書乃得編次成篇鞅掌簿書不遑刊刻今秋予又調補保山縣篆邑

紳萬子星海王子地山懼今志之
修而復失也請付剝剔俾廣流傳
爰捐廉為倡覓手民開雕闢五月
工竣因述其事之巔末如此若夫
興舉廢墜因時制宜宏在昔遠模

慰彼都厚望 晉 不才有志未逮願
以俟後之君子

大清光緒十六年歲在庚寅嘉平
月望二日知縣事黃浦項聯晉

謹誌

舊志序

雲南縣者小雲南也曷小乎爾雲南置郡昆池之陽大府所治行省旌麾駐焉凶雲南乃在蒼洱間為大理屬邑不隸於大府而為雲南

得名所始故別之曰小雲南云爾其為得名所始者何漢元光中滇始通中國牂牁以西未若冉駝斯榆諸君長皆請為內臣元狩元季彩雲現于白崖置雲南縣自後為

鏡州為匡州為勃弄屢經沿革而
雲南之名仍復其朔然則滇之入
版圖茲邑實最先其漸被聲教惟
茲地最久宜其聲明文物炳炳焉
彬彬焉甲於滇乃余采風過之揆

覽人才特與浪詔鄧賤相伯仲欲
訪故蹟攷舊聞而文獻缺如心甚
怪之夫山川之靈人物之美常有
待而後發往來白王城畔挹葉鏡
之澍漪探青華之奧衍清懿秀傑

之氣扶輿磅礴而未盡洩必待大
有興作而大啟之者不重賴乎良
有司牧哉逮余西行過瀾渡晤李
侯柳亭同季友也述所以為政惟
修禮教養賢才為先言及舊志殘

缺因慨然有志蒐討余心重之急
欲觀其成試閱南棚旋駐大理則
李侯以才望檄赴會城令首邑而
太和屠侯雁湖兼治斯土衡校之
餘從文讌出舊著質賞且以李侯

艸創志將竟其緒余謂纂述之業
恆更數手而始就固未易日月異
也曾未兼旬余按永昌而東復晤
雁湖則新志出袖中剗厠已完裒
然成帙余觀其土俗之宜賦役之

制以及學校選舉之法皆詳而有
據覈而不煩而於節行文學尤殷
殷三致意焉歎其用心之勤所為
急急於是者非徒淹雅是尚誠以
政與教之所關不忍苟簡安也將

茲邑之得名獨先服教最久山川
人文之秀靈所旁皇而待者其在
斯乎余是以樂觀厥成也夫蜀有
文翁閩有常袞聲明文物皆能比
於齊魯繼自今爭相奮濯以不虛

兩侯之盛意余於邑人士有厚望
焉

雲南督學使者于雯峻撰

雲南縣志職名

新修姓氏

督修

賜進士出身同知銜大理府雲南縣知縣 項聯晉

纂修

知府銜雲南補用同知 黃炳堃

協修

揀選知縣大理府雲南縣儒學教諭 簡執中

大理府雲南縣儒學訓導 孫爾壽

雲南縣志

卷之一

職名

一

分纂

揀選知縣舉人 王澤

大挑二等舉人 王朝賢

編輯

歲貢生候選儒學訓導 吳際唐

歲貢生候選儒學訓導 湯家桂

校閱

拔貢生候選儒學教諭 劉秉義

恩貢生候選直隸州分州 李鍾成

重校

舉

人 朱秉仁

副榜候選儒學教諭 萬源灝

董理

副

將

銜 楊兆貴

歲貢生候選儒學訓導 李棠芬

歲貢生候選儒學訓導 錢為光

歲貢生候選儒學訓導 任應運

歲貢生候選儒學訓導 薛正義

雲南縣志

卷之一

職名

二

歲貢生候選儒學訓導 王寅

歲貢生候選儒學訓導 王榛

歲貢生候選儒學訓導 吳崇禮

恩貢生候選直隸州分州 何廷杰

恩貢生候選直隸州分州 錢在鎔

管理經費

舉

人 朱秉仁

拔

貢 劉秉義

武

生 芮國棟

附

生 鄭體仁

採訪

廩生

王 澧

楊鶴齡

錢煥章

陳德昌

何桂香

章 模

王澤春

任濟運

張景仲

鄒坤元

曹鳳來

增生

萬源灝

王 謙

楊 釗

劉景湘

增貢生

楊文煥

雲南縣志

卷之一

職名

三

附貢生

楊培林

郭滙川

附生

彭克昌

杜嵩生

吳 垚

李開選

鍾洪恩

陳錦章

楊文元

于平章

劉天桂

王用舒

周士英

繕錄

廩生

朱秉燹

附生

王映昌

增生

王 浩

附生

王國璽

舊修姓氏

纂修兼裁定

原任大理府雲南縣知縣李世保

協修兼校閱

原任雲南縣儒學教諭馮翊漢

原任大理城守營分防雲南縣駐防候掣守備楊錦璜

纂修

賜進士出身原任廣南府儒學教授張聖功

賜進士出身原任直隸衡水縣知縣王在璋

雲南縣志

卷之一

職名

四

原任雲南縣知縣陞任維西通判謝聖綸

拔貢生雷左辰

歲貢生汪蔚文

參酌

原任雲南縣儒學訓導董昭

原任雲南縣典史邱峻岐

世守土縣丞楊國臣

世守土主簿張慶裕

雲南縣志職名終

雲南縣志凡例

一縣志殘闕見於乾隆間于督學序知縣李君世保率邑紳張聖功諸人輯之而屠君可堂成之為綱十有四為目六十有奇多與省志參錯茲仍按省志條目為程不敢與戾邑中所無者從略

一舊志或鈔或刻本各不一即道光間邑進士楊開泰諸君所輯八卷聞頗完善惟未刻而鈔呈藩縣及存諸紳士庶人家今寥寥者戎事數篇而已甚矣兵燹之烈也李君刻本亦未之見幸有存鈔較全其本成

雲南縣志

卷之一

凡例

五

於乾隆三十年茲自三十一年以迄光緒十二年間因革損益及人事之宜傳者詳加考訂續為纂入以資傳信其不可考者仍從闕疑

一舊志山川僅載名目下紀距城若干里今考諸省志徵諸山水考水經注諸書分別來脈枝幹發源滙歸瞭若指掌俾俯察者有所證據

一田賦戶口經費課程兵燹後迭有更變今昔互異茲由縣署案冊查明增入

一舊志水利河壩龍泉堰塘灌溉某數村田畝今仍登

之未敢擅易一字俾免後之好事者借興訟端惟中
多訛字則考省志正之

一舊志學校僅載廟學祭器其樂器詩章均未收入茲
詳加參考概為纂錄若夫學額貢例書院義學亦學
校也并載之

一祠祀志中諸寺觀自道光迄今存燬興修不一凡經
採報者皆備書之淫祀悉在屏絕

一秩官題名舊志簡略未備今詳加採訪自勝國趙簡
以迄今日凡官斯邑者皆備登之其有代理署事姓

雲南縣志

卷之一

凡例

六

氏籍貫未詳者則概從略

一舊志未詳循吏今考之省志採之輿論如向琴堂張
鏡江兩明府數十年來閭閻謳思不置故悉增入以
志愛戴

一舊志僅載義士而忠烈卓行闕之茲從通志例均為
增入

一孝友列女惟已旌已故者乃敢筆之於書所謂蓋棺
論定也其見於舊志者并遵例年已五十者概登之
一戎事舊志纂至康熙五十九年自道光迄同治壬申

其間徇匪髮匪探匪之亂人民困苦官軍進剿歷歷可數兵制亦有增減均查案詳載

一志為史書之流而與史論不同如志人物闡潛德發幽光也善善從長惡惡從短既有大醇不拘小疵閱者諒之

一邑志之修緣 制府岑公續修省志採訪事實邑紳乃請於邑侯項公開局纂修侯力任之爰聘邑之高明草創成稿其殫心綜核筆削損益則邑孝廉王雨亭王名卿明經吳會廷三君之力為多用紀其實不

雲南縣志

卷之一

凡例

七

敢掠美